

儒釋道心傳精華錄

西蜀南道子謹述

儒釋道心傳精華錄

佛賜名彌惹江朝宗



(一) 表 誤 勘

全	全	全	全	全	全	全	全	卷上	全	序張	次卷
十九	十八	十二	七	七	五	四	四	二	一	一	數頁
二行	六行	九宮數外圈應分段隔開	六行	三行	五行	十行	五行	四行	五行	一行	行數
氣一	神受		之壤	穿鑿	立異	之	人外	永則	跌坐	貪貪噴	誤字
一氣	雖受		之壤	穿鑿	之異	之說	之外	法則	跌坐	貪噴痴	改正

要爲正更誤錯錄本將先請者書閱凡 ● 意注

(二) 表 誤 勘

全	卷中	全	全	全	全	全	全	全	全	卷上	次卷
五〇	五〇	四四	全 <small>三一至三九</small>	全 二九	全 二九	全 二六	全 二六	全 二二	全 二二	卷上 二十	數頁
九行	六行	四十一行	題目上之甲，乙，丙，丁，四字邊落一()括弧	十三行	一行	十一行	十行	四行	二行	七行	行數
感於	學儒	即聞		流空	釋其	政以會	心亂之	迺陰	性隨	昏憤	誤字
惑於	如儒	聞即		皆空	釋其	政以令	之心亂	迺陽	皆隨	昏憤	改正

初版張序

學道難、得道尤難。人生不過數十寒暑，少而壯，壯而老，轉瞬間耳。其間貪貪嗔愛，纏擾終身，或汲汲於富貴，或戚戚於貧賤，苦海沈淪，至死不悟，馴致人欲橫流，造成浩劫。悲夫。間有上哲之士，希慕大道，探研經典，往往以文義玄奧，譬喻紛歧，如入五里霧中，未由領悟。又或拜訪明師，靈山萬里，非失之交臂，即走入傍門，虛擲居諸，不成大業，亦可惜已。翰公一心求道，垂十數年，詣壇宇，訪高賢，或淪茗以譚玄，或連床而跌坐，朝斯夕斯，無間寒暑，終以未得真師，少所成就。戊寅冬，幸蒙一鍵為楊聞道老師，指破玄關，親授口訣，乃知虛生神，神生氣，氣生精，必先煉精化氣，逆行歸於中宮，龍虎會合，始結聖胎。蓋順行生人，逆行成聖成佛，成仙即莊子所謂生生者不生，殺生者不死之義也。一經指點，豁然貫通，灑氣流行，直登彼岸，證諸自身功候，時時可覺。噫，大道真傳，殆在是矣。爰商之同道，將平日所習聞於夫子者，擇其精華，筆而錄之，集資付刊，以廣傳布。俾有志於道者，手此一編，旦夕玩索，身體力行，步步入勝，同扶道脈，暢發玄風，藉揚吾師普度之宏旨，以挽斯世陷溺之人心，是則區區之本願也。

中華民國二十八年己卯冬江淮張翰公菊人甫序於古燕之菊隱寄廬

再版黃序

曩者六朝時、予鄉傅大士、應梁武帝之召、請講金剛經、大士陴座、揮案一拍、便下座。大士一日、頂道冠、披袈裟、蹈鞞履、見梁武帝。帝問是僧耶、士手指冠、帝曰、是道耶、士手指履、帝曰、是俗耶、士手指衲、遂出。故今雲黃山、雙林廣濟禪寺、所塑大士遺像、猶仿此迹。初聞之甚奇、殊不明其究竟也。蓋各教門戶、綦嚴、行持各異、能洞澈大道真諦、圓通無碍、不以名相而歧視者、實爲世所妙聞。即以佛經言、亦浩如瀚海、顯密各分、諸宗互演、此優彼劣、陳義紛紜、誠令人如墮五里霧中、苦無適從之感。然六祖談經、菩提非樹、生公說法、頑石點頭。金剛經云、「所謂佛法者、即非佛法。」又云、「過去心、不可得、現在心、不可得、未來心、不可得。」若以色見我、以音聲求我、是人行邪道、不能見如來。」由此觀之、世尊所傳之八萬四千法門、皆因衆生宿根深淺之不同、隨機開示濟度衆生各種塵念安心之法。所以世尊說法四十九年、仍謂未曾說着一字。彼古德亦云、「佛說一切法、度我一切心。我無一切心、何用一切法。」故各經傳所載、其非究竟解脫之道、於此益可想見。復攷世尊在靈山會上、拈花示衆、密付與摩訶迦葉尊者、開如來之正法眼藏、得直透三關無上

心印之秘法。慧能深夜，袈裟遮圍，潛叩師門，親承如來衣鉢。足見佛祖傳燈，別有心印密訣，涅槃妙旨，不落言說文字相也。今讀楊師聞道所答諸同學質疑啟示，闡發大道奧旨，其密諦仍隱於言外，非在文字之間。惟以圓音普被，奧義盡宣，右挈左提，委曲施盡，誠所謂造化秘笈，升沉權輿。昔人擿埴索途而不得者，今俱可獲順流而進之妙。如指論佛家正覺曰：「予嘗言，萬法不離自性，自性若悟，則見性是佛，其福德不可思議。自性不悟，縱念佛佈施，亦只可獲不墮惡趣之福報，不足以言解脫也。世尊言衆生皆有佛性，即謂衆生自性便是真佛。故經云南無佛者，是教衆生皈依身中自性真佛，非皈依身外他佛也。」又云：「世人欲求究竟解脫，須修此道體以證之。欲修此道體，須依法以求之。正法維何？曰：即世尊不立文字之正法眼藏是也。」並將儒道各教修行證果，同源異流之微言大義，層層指證，處處開陳，以致今古各教徒所持疑團，無不冰釋，使學者眼界爲之一空。誠如燭照暗室，虛實畢現，指示末法迷途，殊無再逾於此也。夫「人人分上，本有彌陀。箇箇心中，總爲淨土。」了則頭頭見佛，悟則步步西方。我等衆生，信有往生之分，然雖謂彌陀攝取衆生往生，要信唯是隨心自現，感應道交，究竟非從外得。且心外無佛，亦無衆

生。惟迷悟之有間，故凡聖而迥異。豈知心佛衆生，三無差別。又彌陀經云：「從是西方過十萬億佛土，有世界名曰極樂。其土有佛，號阿彌陀。」今現在說法者，總不出唯心淨土，本性彌陀也。」此乃爲中峯國師在三時繫念佛事中之名論，並非末學之妄言。又據唐代黃蘗山僧斷際禪師傳心法要有謂：「明知一切衆生，本是菩提，不應更得菩提，你今聞發菩提心，將謂一個心，學取佛去，唯擬作佛，任你三祇劫修，亦祇得個報化佛，與你本源真性佛，有何交涉。」又清季宗山寺達法禪師有曰：「行住坐臥，無相可着。本來清淨，無人無我，回光返照，不離這箇活活潑潑，自性彌陀。」歷考往哲前賢，所示解脫究竟之道，無一不在文字之外，無一不求自性彌陀也。吾國自達摩西來，始傳心法，六祖而後，遂失真宗。後世賢達，雖多奮發之士，但此無上玄微大道，天縱聖明而外，學人果能無師自悟，直入堂奧，實非易得。昔斷際禪師云：「問文字中求，是生滅法，勢力盡，箭還墮，招得來生不如意，怎似無爲實相門，一超直入如來地。」誌公云：「不逢出世明師，枉服大乘法藥。你如今一切時中，行住坐臥，但學無心，久久須實得，爲你力量小，不能頓超。但得三年五年，或十年，須得箇入頭處。」故學道者，當求明師，心印指授，其關鍵重大，已無待論餘地。今

楊師親得異人秘傳，不以大道自私，北游來燕，慾海度人，廣闡宗風。作生死之津梁，脫衆生之苦海。弘慈悲願，前古罕有。誠所謂踏破鉄鞋無覓處，得來全不費工夫也。凡欲修持出世大道，有不得其門而入之苦者，若能至誠發心，一經楊師指授，朝夕體驗，則均得一一相互證信，親見自性彌陀。心佛衆生，實屬三無差別，更無門戶之分也。故昔傅大士之所服，非道非儒非釋者，先天原我無分也。亦道亦儒亦釋者，後天名相文字假定也。彼傅大士，乃以彌勒古佛應化，慈悲度世，特飾此以示迷途衆生，望修行濟世之士，毋再自苦藩籬桎梏，如來實相果海，不容纖毫分別。應與太虛一氣周流，窮極大千，妙無所住，方可圓融萬象，還我真如。始與金經所謂「應無所住而生其心」之義相契合。昔斷際禪師亦有云。「學道人，一念計生死，即落魔道。一念起諸見，即落外道。」又曰。「忘機則佛道隆，分別則魔軍熾。」又曰。「今時人只欲多知多解，廣求文義，叫作修行。不知多知多解，翻成壅塞。唯知多與兒酥乳吃，消與不消，都總不知。三乘學道人，皆是此樣盡名食不消者。所謂知解不消，皆爲毒藥，盡向生滅中取。真如之中，都無此事。」近世各道修士，不迷於境，即迷於心。習性頑強，念念離真，徧執妄見，欲探大道，誠無異南轅北轍，背道而馳。

也。凡我修士，使非痛加猛省，不特不克濟世，抑且更滋業因。言之深爲憂懼。茲逢三期末運，浩劫瀰漫，人生於世，實無異蜉蝣朝露，其苦痛洵非言可盡。近自世界大戰發生，種種慘象，尤不忍觀。茫茫業識，擾擾塵氛，富貴功名，既同幻夢，妻兒子女，盡若浮萍。若再戶別門分，專尙徇外而遺內，舍本而鶩末，勢必愈趨愈下。是則芸芸衆生，將何以淑身而淑世，將何以脫苦海而返本原。

上蒼因是悲憫垂慈，特降哲人，發揚正覺全生之道，以期泯滅亂源，弘開仁壽，濟度善緣，共上靈山也。今者，同門吳雲閣、李蘊石、楊永庭、王贊一、安紫宸，并有庭、司振德、李慧貞、張鳳芝，諸有道，共懷慈願，濟世情殷，迺以初版。楊師講道精華錄，妙演儒釋道三教無上大道，爲儒門薪傳，可爲如來心印，可爲道家秘藏，亦無不可。是以驟資重刊千部，以期廣接有緣，同登極樂。並請末學一言，用誌殊勝。予既忝附驥尾，學雖淺陋，亦奚敢辭。爰是不揣冒昧，撫拾羣言，藉作蝗引。尙望當世有志明哲，欲求無上甚深微妙法，登覺岸，離三界，證無爲涅槃果者，迅爲投袂繼起，傳之無窮，勿以名相妄執而裹足不前，自碍大圓鏡智。則大道幸甚，世界幸甚。是爲序。時在庚辰年夏仲金華智雄黃維時謹撰北平前王公廠

儒釋道心傳精華錄 再版黃序

蓮池護生孕育廬

儒釋道心傳精華錄目錄

初版張序

再版黃序

上卷

三教旨歸一本論 答弟子舒松森問……………一頁——七頁

釋河圖洛書變化之理 答弟子莊溢光問……………八頁——二三頁

大學經文一章淺釋 答弟子戴天民間……………二四頁——三〇頁

釋中庸首章 答弟子戴天民間……………三一頁——三九頁

釋中庸第二十一章 答同上……………四〇頁——四一頁

釋中庸第二十二章 答同上……………四一頁——四二頁

釋中庸第二十三章 答同上……………四二頁——四四頁

釋儒家求仁之義 答弟子張翰公問……………四四頁——四八頁

中卷

般若波羅密多心經精義概說 答女弟子游勝敬問……………四九頁——五一頁



說明念阿彌陀佛往生淨土真義 答女弟子陳光喬問……………五二頁——五五頁

解說佛家正覺之真義 答女弟子戴寬宏問……………五五頁——五八頁

解說我佛如來在菩提樹下成道真義 答女弟子申志賢問……………五八頁——五九頁

解說佛家漏盡通工夫真義 答弟子林秀貞問……………五九頁——六二頁

解說佛家法輪常轉真義 答女弟子李悟定問……………六二頁——六三頁

解說佛家證登彼岸要義 答女弟子艾蓮貞問……………六四頁——六五頁

解說佛家蓮台真義 答女弟子曾悟勤問……………六五頁——六七頁

下卷

道家清靜經精義概說 答弟子楊幼松問……………六九頁——七一頁

說明龍華會濟度原人之本末 答弟子張翰公問……………七二頁——七五頁

玄關真詮 答弟子蔣裕真問……………七六頁——七七頁

精氣神三寶分先後天辨解 答弟子張環海問……………七八頁——七九頁

煉精化氣煉氣化神煉神返虛三步功候概說 答弟子莊溢光問……………七七頁——八一頁

論修道初步重在煉心	答弟子郁煒錄問	八十一頁——八十四頁
論修道不專尙靜坐	答弟子楊注舜問	八十四頁——八十六頁
論修道與人生之關係	答弟子何基一問	八十六頁——八十七頁
論道家藥物火候不並傳	答弟子陳秉乾問	八十八頁——八十九頁
論人生前後三關之功用	答弟子劉子元問	八九頁——九十一頁
論性命雙修	答弟子王介青問	九十一頁——九十四頁
說明道家鉛汞鼎爐真義	答弟子王宗周問	九十四頁——九十五頁
說明道家龍虎水火真義	答弟子馬崇一問	九十六頁——九十七頁
道家三花聚鼎五炁朝元概說	答弟子周景賢問	九十七頁——九十八頁
道家光色概說	答弟子錢道極問	九九頁——一〇一頁
論男女修道行工大同小異	答女弟子沈一玉問	一〇一頁——一〇三頁

儒釋道心傳精華錄上卷

西蜀聞道子講述

門人

綦江 張劍琴 記錄

蒲圻 游初白 纂輯

江淮 張菊人

毘陵 莊震生 同校

三教旨歸一本

答弟子舒松森問

舒子松森問於師曰。古人言儒釋道三教之旨歸一本同源。罔有殊異。豈謂忠恕慈悲感應之理。均屬一致歟。抑謂諸聖人所教人者。同歸於善歟。弟子資性魯鈍。未能遍讀三教經典。無以匯通其旨。世之崇信宗教者。往往各立門戶。互相攻訐。弟子雖心知其非。然無說以解之。求吾師大發慈悲。有所辨正。既以泯去世人門戶之見。亦以發明三教之旨趣。使昧昧者知所遵循焉。

師曰。大哉。子之志也。世之崇信宗教者。其固執難通處。信如子所言。推原其故。大都不明教中根本之旨。不知教中貫通之義。故彼此歧視。爭辯莫休。甚或創為臆說。不惜晦經義而徇己見。致天下大道。分離割裂。是非顛倒。而天下國家。遂無從蒙教之益。而學道人反



爲世所詬病。良可歎也。予不敏，聊因吾子之問，一略論之。夫聖人立教之意，果何爲也哉。豈不以世運之降，大道衰微，風俗澆薄，人類縱於情欲，昧其真性，致爲陰陽造化所鼓鑄，而不自覺，陷於生死苦海而不知還。聖人憂之，乃推察天道變化之微，探究人生性命之旨，詳其義理，定其永則，以垂至教。教者效也。將使衆生依所教而效之，以葆其性全其生，而達天合道也。是則聖人立教之意，蓋爲道立耳。爲道之不明立耳。爲人類之悖於道而失其性立耳。既知立教以明道，則舍道而言教者，是教其所教，非聖人之所謂教矣。知葆性以合道，則舍性而言道者，亦道其所道，非聖人之所謂道矣。聖人有見於道之爲物，無名、無形、不可見、不可言。若是則教將不能行，而道亦無從修。因溯其本始，明其貫通。知天出於道，性受於天。故明性即是明天，明天即是明道，則性也。天也。道也。其義一也。故孔子釋迦太上之旨，無非教人明性，明天，以明道而已。學者必先知此義，然後於三教同源一本之旨歸，可以瞭然無疑，而不爲入主出奴之邪說所惑也。易曰：天下一致而百慮，殊塗而同歸。蓋以言道也。所謂一致同歸者，其義亦言致於道，歸於道耳。左傳劉子曰：人受天地之中以生，所謂命也。命卽性也。此性命者，在儒謂之天性，在釋謂之真如，在道謂之真。